


十三經註

口仁  
4679  
44



18  
21  
44

門 12  
疏  
卷

學東

春秋左傳註卷第八

莊十一年盡十二年

晉

杜

預

註

所錢支  
有物邦

經十有一年春王正月

無傳

夏五月戊寅公敗宋師于鄆鄆子

鄆魯地傳例曰敵未陳曰敗某師

秋宋大水

公使弔之故書

春秋左傳卷八 莊公 一 皆曰

冬王姬歸于齊

魯王昏不書齊侯逆不見公

傳十一年夏宋為乘邱之役故侵我公禦之  
宋師未陳而薄之敗諸鄆凡師敵未陳曰敗  
某師皆陳曰戰大崩曰敗績得僞曰克覆而  
敗之曰取某師京師敗曰王師敗績于某

于偽反陳直  
覲反僞音俊

通謂設權譎變詐以勝敵彼我不得成列

成列而不得用故以未陳獨敗為文皆陳  
曰戰言堅而有備各得其所成敗決於志  
力者也大崩言師徒撓敗若沮岸崩山喪  
其功績故曰敗績得僞謂若太叔投之比  
才力足以服眾威權足以自固進不成為  
外寇強敵退復狡壯有二君之難而實非  
二君克而勝之則不言彼敗績但書所克  
之名覆謂威力兼備若羅網所掩覆一軍

皆見禽制故以取為文王者無敵於天下  
天下非所得與戰者然春秋之世據有其  
事事列於經則不得不因申其義有時而  
敗則以自敗為文明天下莫之得校

秋宋大水公使弔焉曰天作淫雨害於桑盛  
若之何不弔對曰孤實不敬天降之災又以  
為君夏拜命之辱臧文仲曰宋其興乎禹湯  
罪已其與也悖焉桀紂罪人其亡也忽焉且

列國有凶稱孤禮也言懼而名禮其庶

而聞之曰公子御說之辭也臧孫達曰是宜

為君有恤民之心

悖蒲忽反御魚呂反說音悅

不弔不為天所愍弔拜命之辱謂謝辱厚

命臧文仲魯大夫悖盛貌忽速貌列國諸

侯無凶則常稱寡人言懼罪已名禮稱孤

其庶庶幾於與公子御說宋莊公子

冬齊侯來逆共姬

共音恭

左傳

卷八

莊公

三

齊左傳

齊桓公也

乘邱之役公以金僕姑射南宮長萬公右欬

孫生搏之宋人請之宋公斲之曰始吾敬子

今子魯囚也吾弗敬子矣病之射食亦反長

專反搏音博  
斲居覲反

乘邱之役在十年金僕姑矢名南宮長萬

宋大夫搏取也不書獲萬時未為卿戲而

相愧曰斲魯聽其得還病之萬不以為

而以為已病為宋萬弑君傳

經十有二年春王三月紀叔姬歸于鄆

無傳紀侯去國而死叔姬歸魯紀季自定

於齊而後歸之全守節義以終婦道故繫

之紀而以初嫁為文賢之也來歸不書非

寧且非大歸

夏四月

秋八月甲午宋萬弑其君捷及其大夫仇牧

春秋

左傳

卷八

莊公

四

齊古婁

捷閔公不書葬亂也萬及仇牧皆宋卿仇牧稱名不警而遇賊無善事可褒

冬十月宋萬出奔陳

奔例在宣十年

傳十二年秋宋萬弑閔公于蒙澤遇仇牧于門批而殺之遇太宰督于東宮之西又殺之立子游羣公子奔蕭公子御說奔亳南宮牛猛獲帥師圍亳

亳步各反

地梁國有蒙縣批手批之也

不書宋不以告子游宋公子蕭宋邑今沛國蕭縣亳宋邑蒙縣西北有亳城牛長萬之子猛獲其黨

冬十月蕭叔大心及戴武宣穆莊之族以曹師伐之殺南宮牛于師殺子游于宋立桓公猛獲奔衛南宮萬奔陳以乘車輦其母一日而至宋人請猛獲于衛衛人欲勿與石祁子

左傳

卷八

莊公

五

管古婁

曰不可天下之惡一也惡於宋而保於我保  
之何補得一夫而失一國與惡而棄好非謀  
也衛人歸之亦請南宮萬于陳以賂陳人使  
婦人飲之酒而以犀革裹之比及宋手足皆  
見宋人皆醢之好呼報反犀音西裹音果比必利反見賢遍反醢音海  
叔蕭大夫名戴武宣穆莊宋五公之子孫  
桓公御說乘車非兵車駕人曰輦宋去陳  
二百六十里言萬之多力不祗子衛大夫

所謂棄好宋衛本同好國醢肉醬并醢猛  
獲故言皆

經十有三年春齊侯宋人陳人蔡人邾人會  
于北杏

北杏齊地

夏六月齊人滅遂

遂國在濟北蛇邱縣東北

秋七月

春秋

左傳

卷八

莊公

六

稽古樓

冬公會齊侯盟于柯

此柯今濟北東阿齊之阿邑猶祝柯今爲祝阿

傳十三年春會于北杏以平宋亂遂人不至

宋有弑君之亂齊桓欲修霸業

夏齊人滅遂而戍之

戍守也

冬盟于柯始及齊平也

始與齊桓通好

宋人背北杏之會

經十有四年春齊人陳人曹人伐宋

背北杏會故

夏單伯會伐宋

既伐宋單伯乃至故曰會伐宋單伯周大夫

秋七月荆入蔡

春秋左傳

卷八

莊公

七

晉占婁



入例在文十五年

冬單伯會齊侯宋公衛侯鄭伯于鄆鄆音

鄆衛地今東郡甄城也齊桓修霸業卒平

宋亂宋人服從欲歸功天子故赴以單伯

會諸侯為文

傳十四年春諸侯伐宋齊請師于周夏單伯會之取成于宋而還

齊欲崇天子故請師假王命以示大順經

書人傳諸侯者總眾國之辭

鄭厲公自櫟侵鄭及大陵獲傅瑕傅瑕曰苟舍我吾請納君與之盟而赦之六月甲子傅瑕殺鄭子及其二子而納厲公初內蛇與外蛇鬪於鄭南門中內蛇死六年而厲公入公聞之問於申繻曰猶有妖乎對曰人之所忌其氣燄以取之妖由人興也人無覺焉妖不自作人棄常則妖興故有妖厲公入遂殺傅

春秋左傳卷八 莊公 八 管五

瑕使謂原繁曰傅瑕貳周有常刑既伏其罪矣納我而無二心者吾皆許之上大夫之事吾願與伯父圖之且寡人出伯父無裏言入又不念寡人寡人憾焉對曰先君桓公命我先人典司宗祏社稷有主而外其心其何貳如之苟主社稷國內之民其誰不為臣臣無二心天之制也子儀在位十四年矣而謀召君者庸非貳乎莊公之子猶有八人若皆以

官爵行賂勸貳而可以濟事君其若之何臣

問命矣乃縊而死縊音歷舍音捨蛇市奢反

裏音里福音石縊一賜反

厲公以桓十五年入櫟遂居之大陵鄭地

傅瑕鄭大夫鄭子莊四年稱伯會諸侯今

見殺不稱君無諡者微弱臣子不以君禮

成喪告諸侯尚書洛誥無若火始燄燄未

盛而進退之時以喻人心不堅正傅瑕貳

春秋左傳卷八 莊公 九 齊古樓

言有二心於己上大夫卿也伯父謂原繁  
疑原繁有二心無裏言謂無納我之言不  
念寡人謂不親附已桓公鄭始受封君也  
宗祏宗廟中藏主石室言已世為宗廟守  
臣子儀鄭子也庸用也

蔡哀侯為莘故繩息媯以語楚子楚子如息  
以食入享遂滅息以息媯歸生堵敖及成王  
焉未言楚子問之對曰吾一婦人而事二夫

縱弗能死其又奚言楚子以蔡侯滅息遂伐

蔡秋七月楚入蔡君子曰商書所謂惡之易

也如火之燎于原不可鄉邇其猶可撲滅者

其如蔡哀侯乎為于偽反莘所巾反語魚據  
反食音嗣堵丁古反敖五羔

反說音悅易以鼓反燎力  
召反鄉許亮反撲普卜反

莘役在十年繩譽也以食入享偽設享食  
之具未言未與王言伐蔡欲以說息偽商

書盤庚言惡易長而難滅

春秋

釋古

冬會于鄆宋服故也

經十有五年春齊侯宋公陳侯衛侯鄭伯會

于鄆

夏夫人姜氏如齊

無傳夫人文姜齊桓公姊妹父母在則禮

有歸寧沒則使卿寧

秋宋人齊人邾人伐邾

宋主兵故序齊上

鄭人侵宋

冬十月

傳十五年春復會焉齊始霸也復扶又反

始為諸侯長

秋諸侯為宋伐鄭為于偽反

鄭附庸屬宋而叛故齊桓為之伐鄭

鄭人閒之而侵宋閒閒廁之間

經十有六年春王正月

春火左傳

卷八

莊公

十一

舊古

夏宋人齊人衛人伐鄭

宋主兵也班序上下以國大小為次征伐則以主兵為先春秋之常也他皆放此

秋荆伐鄭

冬十有二月會齊侯宋公陳侯衛侯鄭伯許男滑伯滕子同盟于幽

書會魯會之不書其人微者也言同盟服異也陳國小每盟會皆在衛下齊桓如霸

楚亦始疆陳侯介於二大國之間而為三恪之客故齊桓因而進之遂班在衛上終於春秋滑國都費河南緱氏縣幽宋地

邾子克卒

無傳克儀父名稱子者蓋齊桓請王命以為諸侯再同盟

傳十六年夏諸侯伐鄭宋故也

鄭侵宋故

鄭伯自櫟入緩告于楚秋楚伐鄭及櫟為不  
 禮故也鄭伯治與於雍糾之亂者九月殺公  
 子闕別強鉏公父定叔出奔衛三年而復之  
 曰不可使共叔無後於鄭使以十月入曰良  
 月也就盈數焉君子謂強鉏不能衛其足為于  
偽反別音月鉏  
仕魚反父音甫

自櫟入在十四年雍糾之亂在桓十五年  
 八子闕強鉏二子祭仲黨斷足曰別定叔

共叔段之孫定諡也盈數數滿于十不

衛足言其不能早辟害

冬同盟于幽鄭成也

王使虢公命曲沃伯以一軍為晉侯初晉武  
 公伐夷執夷詭諸為國請而免之既而弗報  
 故子國作亂謂晉人曰與我伐夷而取其地  
 遂以晉師伐夷殺夷詭諸周公忌父出奔虢  
 惠王立而復之詭九委反  
為于委反

春秋左傳

卷八

莊公

十三

晉占婁

曲沃武公遂并晉國僖王因就命為晉侯  
小國故一軍夷詭諸周大夫夷采地名為  
國周大夫弗報詭諸不報施於為國取其  
地謂使晉取夷地周公忌父王卿士出奔  
辟子國之難魯桓十五年經書桓王崩魯  
莊三年經書葬桓王自此以來周有莊王  
又有僖王崩葬皆不見於經傳王室微弱  
不能復自通於諸侯故傳因周公忌父之

事而見惠王惠王立在此年之末

經十有七年春齊人執鄭詹

詹之廉反

齊桓始伯鄭既伐宋又不朝齊詹為鄭執  
政大臣詣齊見執不稱行人罪之也行人  
例在襄十一年諸執大夫皆稱人以執之  
大夫賤故

夏齊人殲于遂

殲子廉反

殲盡也齊人戍遂翫而無備遂人討而盡

春秋左傳

卷八

莊公

十四

齊左傳

春秋

卷八

殺之故時史因以自盡為文

秋鄭詹自齊逃來

無傳詹不能伏節守死以解國患而遁逃  
苟免書逃以賤之

冬多麋

麋亡  
悲反

無傳麋多則害五稼故以災書

傳十七年春齊人執鄭詹鄭不朝也

之丞因氏頤氏工婁氏須遂氏饗齊戍斡

殺之齊人殲焉

領魚  
納反

饗酒食也四族遂之疆宗齊滅遂戍之在

十三年

經十有八年春王三月日有食之

無傳不書日官失之

夏公追戎于濟西

戎來侵魯公逐之於濟水之西

秋有蜚

蜚音  
或

春秋左傳

卷八

莊公

十五

晉古婁



春不

和

盛短弧也蓋以舍沙射人為災

冬十月

傳十八年春虢公晉侯朝王王饗醴命之宥  
 皆賜玉五穀馬三匹非禮也王命諸侯名位  
 不同禮亦異數不以禮假人醴音禮宥音  
又穀音角  
 王之觀羣后始則行饗禮先置醴酒示不  
 忘古飲宴則命以幣物宥助也所以助勸  
 敬之意言備設玉五穀雙玉為穀矣

公同賜是借人禮

虢公晉侯鄭伯使原莊公逆王后于陳陳媯  
 歸于京師實惠后

虢晉朝王鄭伯又以齊執其卿故求王為  
 援皆在周倡義為王定昏陳人敬從得同  
 姓宗國之禮故傳詳其事不書不告陳媯  
 後號惠后寵愛少子亂周室事在僖二十  
 四年故傳於此而正其后稱

春秋左傳卷八 莊公 十六 晉古婁

春秋

和百林

夏公追戎于濟西不言其來諱之也

戎來侵魯魯人不知去乃追之故諱不言

其來

秋有螽為災也

初楚武王克權使鬬緡尹之以叛圍而殺之  
遷權於那處使閻敖尹之及文王即位與巴  
人伐申而驚其師巴人叛楚而伐那處取之  
遂門于楚閻敖游涌而逸楚子殺之其族

亂冬巴人因之以伐楚

緡亡中反尹尹多處昌呂反涌音勇

權國名南郡當陽縣東南有權城鬬緡楚大夫以叛緡以權叛那處楚地南郡編縣東南有那口城閻敖楚大夫驚師謂驚巴師門于楚攻楚城門涌水在南郡華容縣閻敖既不能守城又游涌水而走

經十有九年春王正月

夏四月

春秋

左傳

卷八

莊公

十七

春秋

和

秋公子結媵陳人之婦于鄆遂及齊侯宋公盟

無傳公子結魯大夫公羊穀梁皆以為魯女媵陳侯之婦其稱陳人之婦未入國畧言也大夫出竟有可以安社稷利國家者則專之可也結在鄆聞齊宋有會權事之宜去其本職遂與二君為盟故備書之本非魯公意而又失媵陳之好故冬各來伐

夫人姜氏如莒

無傳非父母國而往書姦

冬齊人宋人陳人伐我西鄙

無傳幽之盟魯使微者會鄆之盟又使媵臣行所以受敵鄙邊邑

傳十九年春楚子禦之大敗於津還鬻拳弗納遂伐黃敗黃師于踣陵還及湫有疾夏六月庚申卒鬻拳葬諸父室亦自殺也而葬於

春秋左傳

卷八

莊公

十六

齊

春秋

利百村

經皇初鬻拳強諫楚子楚子弗從臨之以兵  
 懼而從之鬻拳曰吾懼君以兵罪莫大焉遂  
 自刎也楚人以為大閹謂之大伯使其後掌  
 之君子曰鬻拳可謂愛君矣諫以自納於刑  
 刑猶不忘納君子善鬻音育拳求圖反踏在亦反湫子小反經田結  
 反強其丈反  
 大伯音泰

楚禦巴人為巴人所敗津楚地或曰江陵  
 縣有津鄉鬻拳造大閹黃羸姓國今弋

縣踏陵黃地還及湫南郡都縣東南有湫  
 城夕室地名經皇家前關生守門故死不  
 失職大閹若今城門校尉官使其後掌之  
 謂使其子孫常主此官言愛君明非臣法  
 也楚能盡其中忠愛所以興

初王姚嬖于莊王生子頹子頹有寵為國為  
 之師及惠王即位取為國之圍以為圍邊伯  
 之宮近於王宮王取之王奪子禽祝跪與詹

春秋左傳 卷八 莊公 十九 晉古樓

春秋

卷八

父田而收膳夫之秩故為國邊伯石速詹父

子禽祝跪作亂因蘇氏姚羊消反嬖必計反顏徒同反圃必古反

圃音又跪求委反

王姚莊王之妾也姚姓也周惠王莊王孫

圃園也園苑也邊伯周大夫子禽祝跪詹

父三子周大夫膳夫石速也秩祿也蘇氏

周大夫桓王奪其十二邑以與鄭自此以

來遂不和

秋五大夫奉子頹以伐王不克出奔温蘇子  
奉子頹以奔衛衛師燕師伐周

石速士也故不在五大夫數温蘇氏邑燕

南燕

冬立子頹

經二十年春王二月夫人姜氏如莒

無傳

夏齊大災

春秋左傳

卷八

莊公

二十

齊大災

春秋

無傳來告以大故書天火曰災例在宣十

六年

秋七月

冬齊人伐戎

無傳

傳二十年春鄭伯和王室不克執燕仲父夏鄭伯遂以王歸王處于櫟秋王及鄭伯入于鄆遂入成周取其寶器而還冬王子頹享五

大夫樂及徧舞鄭伯聞之見虢叔曰寡人聞之哀樂失時殃咎必至今王子頹歌舞不倦樂禍也夫司寇行戮君為之不舉而況敢樂禍乎奸王之位禍孰大焉臨禍忘憂憂必及之盍納王乎虢公曰寡人之願也

音洛好音于盍胡臘反

克能也燕仲父南燕伯為伐周故鄆王所取鄭邑樂及徧舞皆舞六代之樂虢叔公

齊火左傳

卷八

莊公

三

齊古婁

春秋左傳卷八 莊公 三十一 齊有木

子司寇刑官不舉謂去盛饌

經二十有一年春王正月

夏五月辛酉鄭伯突卒

十六年與魯大夫盟于幽

秋七月戊戌夫人姜氏薨

無傳薨寢耐姑赴於諸侯故具小君禮書之

冬十有二月葬鄭厲公

無傳八月葬緩慢也

傳二十一年春胥命于弭夏同伐王城鄭伯將王自圉門入虢叔自北門入殺王子頹及五大夫鄭伯享王于闕西辟樂備王與之武公之畧自虎牢以東原伯曰鄭伯效尤其亦將有咎五月鄭厲公卒王巡虢守虢公為王官于珪王與之酒泉鄭伯之享王也王以后之盤鑑予之虢公請器王予之爵鄭伯由是

春秋左傳卷八 莊公 三十一 齊有木

春秋

利古

始惡於王

弭面爾反圍魚呂反辟蒲歷反徧音通守音狩珎蒲項反鞞步干反

惡鳥路反

鄭虢相命弭鄭地闕象魏也樂備備六代之樂畧界也鄭武公傅平王平王賜之自虎牢以東後失其地故惠王今復與之虎牢河南成皋縣原伯原莊公也效尤言效子頽舞徧樂王巡虢守巡守於虢國也天子省方謂之巡守珎虢地酒泉周邑后王

后也鞞鑑鞞帶而以鑑為飾也今西方羌

胡為然古之遺服爵飲酒器鄭始惡於王

為僖二十四年鄭執王使張本

冬王歸自虢

傳言王之徧也

經二十二年春王正月肆大眚

眚所景反

無傳赦有罪也易稱赦過宥罪書稱眚災

肆赦傳稱肆眚圍鄭皆放赦罪人盪滌眾

春秋左傳

卷八

莊公

三

管行



春秋左傳卷八 莊公 二 西 晉古 故以新其心有時而用之非制所常故書  
癸丑葬我小君文姜

無傳及哭成喪故稱小君

陳人殺其公子御寇御音

宣公太子也陳人惡其殺太子之名故不稱君父以國討公子告

夏五月

秋七月丙申及齊高侯盟于防

無傳高侯齊之貴卿而與魯之微者盟齊

桓謙接諸侯以崇霸業

冬公如齊納幣

無傳公不使卿而親納幣非禮也母喪未再期而圖昏二傳不見所譏左氏又無傳

失禮明故

傳二十二年春陳人殺其太子御寇陳公子完與顓孫奔齊顓孫自齊來奔齊侯使敬仲

春秋左傳卷八 莊公 二 西 晉古

春秋  
為卿辭曰羈旅之臣幸若獲宥及於寬政赦  
其不閑於教訓而免於罪戾弛於負擔君之  
惠也所獲多矣敢辱高位以速官謗請以死  
告詩云翹翹中乘招我以弓豈不欲往畏我  
友朋使為工政飲桓公酒樂公曰以火繼之  
辭曰臣卜其晝未卜其夜不敢君子曰酒以  
成禮不繼以淫義也以君成禮弗納於淫仁  
也初懿氏卜妻敬仲其妻古之曰吉是謂鳳

凰于飛和鳴鏘鏘有媯之後將育于五世  
其昌并于正卿八世之後莫之與京陳厲公  
蔡出也故蔡人殺五父而立之生敬仲其少  
也周史有以周易見陳侯者陳侯使筮之遇  
觀三之否三曰是謂觀國之光利用賓于王  
此其代陳有國乎不在此其在異國非此其  
身在其子孫光遠而自他有耀者也坤土也  
巽風也乾天也風為天於土上山也有山之

春初  
材而照之以天光於是乎居士上故曰觀國  
之光利用賓于王庭實旅百奉之以玉帛天  
地之美具焉故曰利用賓于王猶有觀焉故  
曰其在後乎風行而著於土故曰其在異國  
乎若在異國必姜姓也姜大嶽之後也山嶽  
則配天物莫能兩大陳衰此其昌乎及陳之  
初亡也陳桓子始大於齊其後亡也成子得  
政顛音專謗布浪反翹祁堯反乘繩證反飲  
於鳩反樂音洛卜妻七計反鏘七羊反八

詩照反筮上制反觀古亂反  
否備矣反著直畧反嶽音岳

陳殺太子御寇傳稱太子以實言公子完  
顛孫皆御寇之黨自齊來奔不書非卿敬  
仲陳公子完羈寄也旅客也宥赦也弛去  
離也敢不敢也請以死告以死自誓詩逸  
詩也翹翹遠貌古者聘士以弓言雖貪顯  
命懼爲朋友所譏責工政掌百工之官齊  
桓賢之故就其家會據主人之辭故言飲

桓公酒不繼以淫夜飲爲淫樂懿氏陳大  
夫龜曰卜其妻懿氏妻雉曰鳳雌曰凰雄  
雌俱飛相和而鳴鏘鏘然猶敬仲夫妻相  
隨適齊有聲譽媯陳姓姜齊姓京大也厲  
公蔡出姊妹之子曰出五父陳佗也殺陳  
佗在桓六年周史周大史也著曰筮遇觀  
之否坤下巽上觀坤下乾上否觀六四爻  
變而爲否利賓于王此周易觀卦六四爻

辭易之爲書六爻皆有變象又有互體聖  
人隨其義而論之巽變爲乾故曰風爲天  
自二至四有艮象艮爲山山則材之所生  
上有乾下有坤故言居士上照之以天光  
四爲諸侯變而之乾有國朝王之象艮爲  
門庭乾爲金玉坤爲布帛諸侯朝王陳摯  
幣之象旅陳也百言物備因觀爻以傳古  
故言猶有觀非在已之言故知在子孫姜

大嶽之後姜姓之先爲堯四嶽變而象良  
故知當興於大嶽之後得大嶽之權則有  
配天之大功故知陳必衰陳之初亡昭八  
年楚滅陳桓子敬仲五世孫陳無宇其後  
亡哀十七年楚復滅陳成子陳常也敬仲  
八世孫陳完有禮於齊子孫世不忘德德  
協於卜故傳備言其終始卜筮者聖人所  
以定猶豫決疑似因生義教者也尚書洪

範通龜筮以同卿士之數南蒯卜亂而遇  
元吉惠伯答以忠信則可臧會卜僭遂獲  
其應邱明故舉諸縣驗於行事者以示來  
世而君子志其善者遠者他皆放此

春秋左傳註卷第八終

春秋左傳註卷第九

莊二十三年  
盡三十二年

晉 杜 預 註

經二十有三年春公至自齊

無傳

祭叔來聘

祭側  
界反

無傳穀梁以祭叔為祭公來聘魯天子內  
臣不得外交故不言使不與其得使聘

夏公如齊觀社

春秋左傳

卷九

莊公

一

晉古婁

齊因祭社蒐軍實故公往觀之

公至自齊

無傳

荆人來聘

無傳不書荆子使某來聘君臣同辭者蓋楚之始通未成其禮

公及齊侯遇于穀

無傳

齊叔朝公

無傳蕭附庸國叔名就穀朝公故不言來凡在外朝則禮不得具嘉禮不野合

秋丹桓宮楹

楹音盈

桓公廟也楹柱也

冬十有一月曹伯射姑卒

射示亦反

無傳未同盟而赴以名

十有二月甲寅公會齊侯盟于扈

扈音戶

春秋左傳

卷九

莊公

二

齊五集

無傳扈鄭地在滎陽卷縣西北

和古樹

傳二十三年夏公如齊觀社非禮也曹劌諫曰不可夫禮所以整民也故會以訓上下之則制財用之節朝以正班爵之義帥長幼之序征伐以討其不然諸侯有王王有巡狩以大習之非是君不舉矣君舉必書書而不法後嗣何觀

財用之節謂貢賦多少不然不用命王謂

從王事巡狩省四方大習會朝之禮凡君舉必書於策

晉桓莊之族偪獻公患之士蔿曰去富子則羣公子可謀也已公曰爾試其事士蔿與羣公子謀譖富子而去之

偪彼力反蔿士委反去起呂反

桓叔莊伯之子孫彊盛偪迫公室士蔿晉大夫富子二族之富彊者譖富子謂以罪狀誣之同族惡其富彊故士蔿得因而閒

春秋左傳

卷九

莊公

三

晉書



春秋

和古橋

之用其所親為譜則似信離其骨肉則黨  
弱羣公子終所以見滅

秋丹桓宮之楹

經二十有四年春王三月刻桓宮桷

刻鏤也桷椽也將迎夫人故為盛飾

葬曹莊公

無傳

夏公如齊逆女

無傳親逆禮也

秋公至自齊

無傳

八月丁丑夫人姜氏入

哀姜也公羊傳以為姜氏要公不與公俱  
入蓋以孟任故丁丑入而明日乃朝廟

戊寅大夫宗婦覲用幣

宗婦同姓大夫之婦禮小君至大夫執贊

左傳

卷九

莊公

四

齊石婁

春秋

稱古樓

以見明臣子之道莊公欲奢夸夫人故使大夫宗婦同贊俱見

大水

無傳

冬戎侵曹

無傳

曹羈出奔陳

無傳羈蓋曹世子也先君既葬而不稱爵

者微弱不能自定曹人以名赴

赤歸于曹

無傳赤曹僖公也蓋為戎所納故曰歸

郭公

無傳蓋經闕誤也自曹羈以下公羊穀梁之說既不了又不可通之於左氏故不采

用

傳二十四年春刻其桷皆非禮也御孫諫曰

春秋左傳

卷九

莊公

五

齊魯

臣聞之儉德之共也侈惡之大也先君有共德而君納諸大惡無乃不可乎

御魚呂反 侈曰紙反

并非丹楹故言皆御孫魯大夫以不丹楹

刻桷為共

秋哀姜至公使宗婦覲用幣非禮也御孫曰男贄大者玉帛小者禽鳥以章物也女贄不過榛栗棗脩以告虔也今男女同贄是無別也男女之別國之大節也而由夫人亂之無

乃不可乎

贄真二反 榛側巾反

傳不言大夫唯舉非常男贄大者公侯伯

子男執玉諸侯世子附庸孤卿執帛小者

卿執羔大夫執鴈士執雉凡章所執之物

別貴賤榛栗棗脩脯虔敬也女贄皆取其

名以示敬

晉士為又與羣公子謀使殺游氏之二子士為告晉侯曰可矣不過二年君必無患

春秋

游氏二子亦桓莊之族

經二十有五年春陳侯使女叔來聘

女音汝

女叔陳卿女氏叔字

夏五月癸丑衛侯朔卒

無傳惠公也書名十六年與內大夫盟于

幽

六月辛未朔日有食之鼓用牲于社

鼓伐鼓也用牲以祭社傳例曰非常也

伯姬歸于杞

無傳不書逆女逆者微

秋大水鼓用牲于社于門

門國門也傳例曰亦非常也

冬公子友如陳

無傳報女叔之聘諸魯出朝聘皆書如不

果彼國必成其禮故不稱朝聘春秋之常

也公子友莊公之母弟稱公子者史策之

春秋左傳

卷九

莊公

七

春秋左傳

通言母弟至親異於他臣其相殺害則稱弟以示義至於嘉好之事兄弟篤睦非例所與或稱弟或稱公子仍舊史之文也母弟例在宣十七年

**傳**二十五年春陳女叔來聘始結陳好也嘉之故不名

季友相魯原仲相陳二人有舊故女叔來聘季友冬亦報聘嘉好接備卿以字為嘉

則稱名其常也

夏六月辛未朔日有食之鼓用牲于社非常也唯正月之朔隱未作日有食之於是乎用

幣于社伐鼓于朝

正音政隱他得反

非常鼓之月長歷推之辛未實七月朔置閏失所故致月錯正月夏之四月周之六月謂正陽之月今書六月而傳云唯者明此月非正陽月也隱陰氣日食歷之常也

春秋

稽古樓

然食於正陽之月則諸侯用幣于社請救於上公伐鼓于朝退而自責以明陰不宜侵陽臣不宜掩君以示大義

秋大水鼓用牲于社于門亦非常也凡天災

有幣無牲非日月之眚不鼓

眚所景反

非常亦失常禮天災日月食大水也祈請而已不用牲也眚猶災也月侵日為眚陰陽逆順之事賢聖所重故特鼓之

晉士蔿使羣公子盡殺游氏之族乃城聚而處之冬晉侯圍聚盡殺羣公子

聚晉邑卒如士蔿之計

經二十有六年春公伐戎

無傳

夏公至自伐戎

無傳

曹殺其大夫

春秋左傳

卷九

莊公

九

曹殺其大夫

春秋左傳卷九 莊公 十 稽古

無傳不稱名非其罪例在文七年

秋公會宋人齊人伐徐

無傳宋序齊上主兵

冬十有二月癸亥朔日有食之

無傳

傳二十六年春晉士蔿為大司空

大司空卿官

上城絳以深其宮

絳晉所都也今平陽絳邑縣

秋虢人侵晉冬虢人又侵晉

為傳明年晉將伐虢張本此年經傳各自

言其事者或經是直文或策書雖存而簡

牘散落不究其本末故傳不復申解但言

傳事而已

經二十有七年春公會杞伯姬于洮

洮徒

伯姬莊公女洮魯地

春秋左傳卷九 莊公 十 稽古

夏六月會齊侯宋公陳侯鄭伯同盟于幽  
秋公子友如陳葬原仲

原仲陳大夫原是仲字也禮臣既卒不名  
故稱字季友違禮會外大夫葬具見其事  
亦所以知譏

冬杞伯姬來

傳例曰歸寧

莒慶來逆叔姬

無傳慶莒大夫叔姬莊公女卿自為逆則  
稱字例在宣五年

杞伯來朝

無傳杞稱伯者蓋為時王所黜

公會齊侯于城濮

濮音  
無傳城濮衛地將討衛也

傳二十七年春公會杞伯姬于洮非事也天  
子非展義不巡守諸侯非民事不舉卿非君

春秋左傳卷九莊公十一 皆古婁



命不越竟

非事謂非諸侯之事天子巡守所以宣布德義

夏同盟于幽陳鄭服也

二十二年陳亂而齊納敬仲二十五年鄭文公之四年獲成於楚皆有二心於齊今始服也

秋公子友如陳葬原仲非禮也原仲季友之

壽也

冬杞伯姬來歸寧也凡諸侯之女歸寧曰來出曰來歸夫人歸寧曰如某出曰歸于某

寧問父母安否歸不反之辭

晉侯將伐虢士蒍曰不可虢公驕若驟得勝於我必棄其民無眾而後伐之欲禦我誰與夫禮樂慈愛戰所畜也夫民讓事樂和愛親哀喪而後可用也虢弗畜也亟戰將饑

畜救六反

春秋左傳

卷九

莊公

十三

晉古樓

樂音洛

棄民謂不養之上之使民以義讓哀樂為本言不可力強弗畜亟戰言號不畜義讓而力戰

王使召伯廖賜齊侯命且請伐衛以其立子

頽也召音邵廖力彫反

召伯廖王卿士賜命為侯伯立子頽在十

九年

二十有八年春王三月甲寅齊人伐衛衛人及齊人戰衛人敗績

齊侯稱人者諱取賂而還以賤者告不地者史失之

夏四月丁未邾子瑣卒瑣素果反

無傳未同盟而赴以名

秋荆伐鄭公會齊人宋人救鄭

冬築郿郿忘悲反

左傳卷九 莊公 十三 晉古書

鄆魯下邑傳例曰邑日築

大無麥禾

書於冬者五穀畢入計食不足而後書也

臧孫辰告糴于齊

臧孫辰魯大夫臧文仲

傳二十八年春齊侯伐衛戰敗衛師數之以

王命取賂而還

晉獻公娶于賈無子烝於齊姜生秦穆夫人

及太子申生又娶二女於戎大戎狐姬生重

耳小戎子生夷吾晉伐驪戎驪戎男女以驪

姬歸生奚齊其姊生卓子驪姬嬖欲立其子

賂外嬖梁五與東關嬖五使言於公曰曲沃

君之宗也蒲與二屈君之疆也不可以無主

宗邑無主則民不威疆場無主則啓戎心戎

之生心民慢其政國之患也若使太子主曲

沃而重耳夷吾主蒲與屈則可以威民而懼

春秋左傳

卷九

莊公

十四

晉古婁

我且旌君伐使俱曰狄之廣莫於晉為都晉之啓土不亦宜乎晉侯說之夏使大子居曲沃重耳居蒲城夷吾居屈羣公子皆鄙唯二姬之子在絳二五卒與驪姬譖羣公子而立奚齊晉人謂之二五耦烝之承反重直龍反驪力知反場音亦賈姬姓國也齊姜武公妾大戎唐叔子孫別在戎狄者小戎允姓之戎子女也驪戎在京兆新豐縣其君姬姓其爵男也納女

於人曰女梁五姓梁名五在閭闔之外者東關嬖五別在關塞者亦名五皆大夫為獻公所嬖幸視聽外事曲沃桓叔所封先君宗廟所在蒲今平陽蒲子縣二屈今平陽北屈縣或云二當為北旌章也伐功也廣莫狄地之曠絕也即謂蒲子北屈也言遣二公子出都之則晉方當大開土界獻公未決故復使二五俱說此美鄙邊邑二

耜相耦廣一尺共起一伐言二人俱共墾傷晉室若此

楚令尹子元欲蠱文夫人為館於其宮側而振萬焉夫人聞之泣曰先君以是舞也習戎備也今令尹不尋諸仇讐而於未亡人之側不亦異乎御人以告子元子元曰婦人不忘襲讐我反忘之秋子元以車六百乘伐鄭人于吉失之明子元闕御疆鬪吾耿之不比為

施鬪班王孫游王孫喜殿眾車入自純門及達市縣門不發楚言而出子元曰鄭有人焉諸侯救鄭楚師夜遁鄭人將奔桐邱謀告曰楚幕有烏乃止蠱音古枯戶結反秩侍結反御魚呂反殿丁見反遶求龜

反縣音玄謀音牒幕音莫

文夫人文王夫人息嬀也子元文王弟蠱惑以淫事振動也萬舞也尋用也婦人既寡自稱未亡人御人夫人之侍人結秩鄭

遠郊之門也子元自與三子特建旆以居  
 前緇廣充幅長尋曰旒繼旒曰旆鬪班王  
 孫游孫喜三子在後為反禦純門鄭外郭  
 門也達市郭內道上市縣門施於內城門  
 鄭示楚以閒暇故不閉城門出兵而效楚  
 言故子元畏之不敢進桐邱許昌縣東北  
 有桐邱城謀閒也幕帳也

饑城孫辰告糴于齊禮也

經書大無麥禾傳言饑傳又先書饑在築  
 郟上者說始糴經在下須得糴嫌或諱饑  
 故曰禮

築郟非都也凡邑有宗廟先君之主曰都無  
 曰邑邑曰築都曰城

周禮四縣為都四井為邑然宗廟所在則  
 雖邑曰都尊之也言凡邑則他築非例

經二十有九年春新延廡

廡居又反

春秋左傳

卷九

莊公

十七

管古樓

傳例曰書不時言新者皆舊物不可用更造之辭

夏鄭人侵許

傳例曰無鍾鼓曰侵

秋有蜚

蜚扶味反

傳例為災

冬十有二月紀叔姬卒

無傳紀國雖滅叔姬執節守義故繫之紀

賢而錄之

城諸及防

諸防皆魯邑傳例曰書時也諸非備難而興作傳皆重云時以釋之他皆放此諸今

城陽縣

傳二十九年春新作延廡書不時也凡馬日中而出日中而入

經無作字蓋闕日中春秋分也治廡當以

春秋

稽古

秋分因馬向入而修之今以春作故曰不  
時

夏鄭人侵許凡師有鍾鼓曰伐無曰侵輕曰

襲輕遣  
政反

伐聲其罪侵鍾鼓無聲襲掩其不備

秋有蜚為災也凡物不為災不書

冬十二月城諸及防書時也凡土功龍見而

畢務戒事也火見而致用水昏止而裁日至

而畢

龍見謂今九月周十一月龍星角亢晨見

東方三務始畢戒民以土功事火見致用

大火心星次角亢見者致築作之物水昏

正謂今十月定星昏而中於是樹板幹而

興作日至日南至微陽始動故土功息

樊皮叛王

樊皮周大夫樊其采地皮名

春秋左傳

卷九

莊公

十九

晉古書



春秋  
經三十年春王正月

禾  
木

夏次于成

無傳將卑師少故直言次齊將降鄆故設備

秋七月齊人降鄆

無傳鄆紀附庸國東平無鹽縣東北有鄆城小國孤危不能自固蓋齊遙以兵威脅使降附

八月癸亥葬紀叔姬

無傳以賢錄也無臣子故不作諡

九月庚午朔日有食之鼓用牲于社

無傳

冬公及齊侯遇于魯濟

濟子禮反

濟水歷齊魯界在齊界為齊濟在魯界為魯濟蓋魯地

齊人伐山戎

春秋左傳卷九 莊公 二十 齊人伐

山戎北狄

傳三十年春王命虢公討樊皮夏四月丙辰虢公入樊執樊仲皮歸于京師

楚公子元歸自伐鄭而處王宮鬪射師諫則執而梏之

處王宮欲遂蠱文夫人射師鬪廉也足曰桎手曰梏

秋申公鬪班殺子元鬪穀於菟為令尹自毀

其家以紆楚國之難

穀奴走反於音烏菟音徒紆音舒難乃旦反

申楚縣楚僭號縣尹皆稱公鬪穀於菟令尹子文也毀滅紆緩也

冬遇于魯濟謀山戎也以其病燕故也

齊桓行霸故欲為燕謀難燕國今薊縣

經三十有一年春築臺于郎

無傳刺奢且非土功之時

夏四月薛伯卒

春秋左傳卷九 莊公 十一 晉石渠

春秋

稽古

無傳未同盟

築臺于薛

無傳薛魯地

六月齊侯來獻戎捷

傳例曰諸侯不相遺俘捷獲也獻奉上之辭齊侯以獻捷禮來故書以示過

秋築臺于秦

無傳東平范縣西北有秦亭

冬不雨

無傳不書旱不為災例在僖三年

傳三十一年夏六月齊侯來獻戎捷非禮也凡諸侯有四夷之功則獻于王王以警于夷中國則否諸侯不相遺俘

警夷謂以警懼夷狄諸侯雖夷狄俘猶不以相遺

經三十有二年春城小穀

春秋左傳

卷九

莊公

三

曾古

小穀齊邑濟北穀城縣城中有管仲井大  
都以名通者則不繫國

夏宋公齊侯遇于梁邱

齊善宋之請見故進其班梁邱在高平昌  
邑縣西南

秋七月癸巳公子牙卒

牙慶父同母弟僖叔也飲酖而死不以罪  
告故得書卒書日者公有疾不責公不與

小斂

八月癸亥公薨于路寢

路寢正寢也公薨皆書其所詳凶變

冬十月己未子般卒

般音班

子般莊公太子先君未葬故不稱爵不言  
殺諱之也

公子慶父如齊

無傳慶父既殺子般季友出奔國人不與

春秋左傳卷九 莊公 三 皆古書

故懼而適齊欲以求援時無君假赴告之  
禮而行

狄伐邾

無傳邾國在廣平襄國縣

傳三十二年春城小穀為管仲也

公感齊桓之德故為管仲城私邑

齊侯為楚伐鄭之故請會于諸侯宋公請先  
見于齊侯夏遇于梁邱

楚伐鄭在二十八年謀為鄭報楚

秋七月有神降于莘惠王問諸內史過曰是  
何故也對曰國之將興明神降之監其德也  
將亡神又降之觀其惡也故有得神以興亦  
有以亡虞夏商周皆有之王曰若之何對曰  
以其物享焉其至之日亦其物也王從之內  
史過往聞號請命反曰號必亡矣虐而聽於  
神神居莘六月號公使祝應宗區史鬻享焉

春秋左傳卷九 莊公 二十四 皆左婁

神賜之上田史嚳曰虢其亡乎吾聞之國將興聽於民將亡聽於神神聰明正直而壹者也依人而行虢多涼德其何土之能得甲所

過口禾反區邱于反焉五中反

神降于莘有神聲以接人莘虢地內史過周大夫虞夏商周亦有神異享祭也若以甲乙日至祭先脾玉用蒼服上青以此類祭之聞虢請命過聞虢請於神求賜土田

之命祝大祝宗宗人史太史應區嚳皆名聽於民謂政順民心聽於神謂求福於神依人而行唯德是與涼薄也為僖二年晉

滅下陽傳

初公築臺臨黨氏見孟任從之闕而以夫人言許之割臂盟公生子般焉零講于梁氏女公子觀之圉人犖自牆外與之戲于般怒使鞭之公曰不如殺之是不可鞭犖有力焉能

春秋左傳

卷九

莊公

三五

齊占婁

投蓋于稷門公疾問後於叔牙對曰慶父材  
問於季友對曰臣以死奉般公曰鄉者牙曰  
慶父材成季使以君命命僖叔待于鍼巫氏  
使鍼季醜之曰飲此則有後於魯國不然死  
且無後飲之歸及達泉而卒立叔孫氏音秘聲音洛  
鍼其廉反黨氏魯大夫築臺不書不告廟孟任黨氏  
女闕不從公公許以為夫人雩祭天也講

肆也梁氏魯大夫女公子子般妹圉人掌  
養馬者以慢言戲之蓋覆也稷門魯南城  
門走而自投接其屋之椽反覆門上曰慶  
父材蓋欲進其同母兄季友莊公母弟故  
欲立般成季季友也鍼巫氏魯大夫醜烏  
名其羽有毒以畫酒飲之則死達泉魯地  
不以罪誅故得立後世其祿

八月癸亥公薨于路寢子般即位次于黨氏

春秋左傳卷九莊公 二五 晉古婁

卽位卽喪位次舍也

冬十月己未共仲使圉人犖賊子般于黨氏

成季奔陳立閔公共音恭

共仲慶父出奔不書國亂史失之閔公莊公庶子於是年八歲

春秋左傳註卷第九終

春秋左傳註卷第十閔元年 盡二年

晉 杜 預 註

閔公各啓方莊公之子母叔姜史記云各開諡法在國遭難曰閔

經元年春王正月

齊人救邾

夏六月辛酉葬我君莊公

秋八月公及齊侯盟于落姑

落姑齊地

春秋左傳 卷十 閔公 一 晉 註



季子來歸

和古楊

季子公子友之字季子忠於社稷為國人  
所思故賢而字之齊侯許納故曰歸

冬齊仲孫來

仲孫齊大夫以事出疆因來省難非齊侯  
命故不稱使也還使齊侯務寧魯亂故嘉  
而字之來者事實省難其志也故經但書  
仲孫之來而傳尋仲孫之志

僖元年春不書即位亂故也

國亂不得成禮

狄人伐邢管敬仲言於齊侯曰戎狄豺狼不  
可厭也諸夏親暱不可棄也宴安酖毒不可  
懷也詩云豈不懷歸畏此簡書簡書同惡相  
恤之謂也請救邢以從簡書齊人救邢

厭一  
鹽反

酖直  
陰反

狄伐邢在往年冬敬仲管夷吾諸夏中國

春秋左傳

卷十

閔公

二

曾古樓

也曠近也仲以宴安比之醜毒詩小雅美文王為西伯勞來諸侯之詩同惡相恤謂同恤所惡

夏六月葬莊公亂故是以緩

十一月乃葬

秋八月公及齊侯盟于落姑請復季友也齊侯許之使召諸陳公次于郎以待之季子來請嘉之也

公初立國家多難以季子忠賢故請霸

主而復之公次于郎非師旅之事故書次

冬齊仲孫湫來省難書曰仲孫亦嘉之也仲孫歸曰不去慶父魯難未已公曰若之何而去之對曰難不已將自斃君其待之公曰魯可取乎對曰不可猶秉周禮周禮所以本也臣聞之國將亡本必先顛而後枝葉從之魯不棄周禮未可動也君其務寧魯難而親之

親有禮因重固閒攜貳覆昏亂霸王之器也

湫子小反去起

呂反覆芳服反

湫仲孫名時慶父亦還魯斃踣也因重固

能重能固則當就成之離而相疑者則當

因而閒之覆敗也霸王所用故以器為喻

晉侯作二軍公將上軍大子申生將下軍趙

夙御戎畢萬為右以滅耿滅霍滅魏還為大

子城曲沃賜趙夙耿賜畢萬魏以為大夫士

為曰大子不得立矣分之都城而位以卿先

為之極又焉得立不如逃之無使罪至為吳

大伯不亦可乎猶有令名與其及也且諺曰

心苟無瑕何恤乎無家天若祚大子其無晉

乎卜偃曰畢萬之後必大萬盈數也魏大名

也以是始賞天啓之矣天子曰兆民諸侯曰

萬民今名之大以從盈數其必有眾初畢萬

筮仕於晉遇屯之比三辛廖占之曰吉屯

春秋左傳

卷十

閔公

四

晉占婁

固比入吉孰大焉其必蕃昌震爲土車從馬足居之兄長之母覆之眾歸之六體不易合而能固安而能殺公侯之卦也公侯之子孫必復其始

耿古幸反  
屯張倫反

晉本一軍見莊十六年趙夙畢萬爲公御右也夙趙衰兄畢萬魏犇祖父滅耿霍魏平陽皮氏縣東南有耿鄉永安縣東北有霍大山三國皆姬姓位以卿謂將下軍大

伯周大王之適子知其父欲立季歷故讓位而適吳與其及也言雖去猶有令名勝於雷而及禍大子無晉爲晉殺申生傳卜偃晉掌卜大夫名大從盈謂以魏從萬必有眾象震下坎上屯坤下坎上比屯初九變而爲比辛廖晉大夫屯固比入屯險難所以爲堅固比親密所以得入震爲土震變爲坤車從馬震爲車坤爲馬足居之震

為足兄長之震為長男母覆之坤為母眾  
歸之坤為眾六體不易初一爻變有此六  
義不可易也比合屯固坤安震殺故曰公  
侯之卦畢萬公高之後傳為魏之子孫眾  
多張本

經二年春王正月齊人遷陽

無傳陽國名蓋齊人偏徙之

夏五月乙酉吉禘于莊公

二年喪畢致新死者之主於廟廟之遠主  
當遷入祧因是大祭以審昭穆謂之禘莊  
公喪制未闋時別立廟廟成而言祭又不  
於大廟故詳書以示譏

秋八月辛丑公薨

實弑書薨又不地者皆史策諱之

九月夫人姜氏孫于邾

哀姜外淫故孫稱姜氏

公子慶父出奔莒

弑閔公故

冬齊高子來盟

無傳蓋高侯也齊侯使來平魯亂僖公新立因遂結盟故不稱使也魯人貴之故不書名子男子之美稱

十有二月狄入衛

書人不能有其地例在襄十三年

鄭棄其師

高克見惡久不得還師潰而克奔陳故克狀其事以告魯也

傳二年春虢公敗犬戎于渭汭舟之僑曰無

德而祿殃也殃將至矣遂奔晉

汭如鏡反

犬戎西戎別在中國者渭水出隴西東入河水之隈曲曰汭舟之僑虢大夫

夏吉禘于莊公速也

左傳

卷十

閔公

七

晉亡婁

初公傅奪卜齧田公不禁秋八月辛丑共仲使卜齧賊公于武闈成季以僖公適邾共仲奔莒乃入立之以賂求共仲于莒莒人歸之及密使公子魚請不許哭而往共仲曰奚斯之聲也乃縊閔公哀姜之姊叔姜之子也故齊人立之共仲通于哀姜哀姜欲立之閔公之死也哀姜與知之故孫于邾齊人取而殺之于夷以其尸歸僖公請而葬之

齊魚綺反共音恭闈

音韋給一賜反

卜齧魯大夫也公即位年八歲知愛其傅而遂成其意以奪齧田齧忿其傅并及公故慶父因之賊公武闈宮中小門謂之闈僖公閔公庶兄成風之子密魯地琅邪費縣北有密如亭公子魚奚斯也慶父之罪雖重季子推親親之恩欲同之叔牙存孟氏之族故略其罪不書殺又不書卒殺之

于夷為僖元年齊人殺哀姜傳夷魯地哀姜之罪已重而僖公請其喪還者外欲固齊以居厚内存母子不絕之義為國家之

大計

成季之將生也桓公使卜楚邱之父卜之曰男也其名曰友在公之右開于兩社為公室輔季氏亡則魯不昌又筮之遇大有☰之乾☰曰同復于父敬如君所及生有文在其手

曰友遂以命之

卜楚邱魯掌卜大夫在右言用事兩社周社亳社兩社之間朝廷執政所在乾下離上大有乾下乾上乾大有六五變而為乾同復于父敬如君所筮者之辭也乾為君父離變為乾故曰同復于父見敬與君同生有文曰友遂以為名

冬十二月狄人伐衛衛懿公好鶴鶴有乘軒

春秋左傳

卷十

閔公

九

管古妻



者將戰國人受甲者皆曰使鶴鶴實有祿位  
余焉能戰公與石祁子玦與甯莊子矢使守  
曰以此贄國擇利而爲之與夫人繡衣曰聽  
於二子渠孔御戎子伯爲右黃夷前驅孔嬰  
齊殿及狄人戰于滎澤衛師敗績遂滅衛衛  
侯不去其旗是以甚敗狄人囚史華龍滑與  
禮孔以逐衛人二人曰我大史也實掌其祭  
不先國不可得也乃先之至則告守曰不可

待也夜與國人出狄入衛遂從之又敗諸河  
初惠公之卽位也少齊人使昭伯烝於宣姜  
不可強之生齊子戴公文公宋桓夫人許穆  
夫人文公爲衛之多患也先適齊及敗宋桓  
公逆諸河宵濟衛之遺民男女七百有三十  
人益之以共滕之民爲五千人立戴公以廬  
于曹許穆夫人賦載馳齊侯使公子無虧帥  
車三百乘甲士三千人以戍曹歸公乘馬祭

春秋

稽古

服五稱牛羊豕雞狗皆三百與門材歸夫人

魚軒重錦三十兩焉於虔反玦古穴反殿丁

少詩

軒大夫車莊子甯速也玦玉玦贊助也玦

示以當決斷矢示以禦難與之繡衣取其

文章順序傳言衛侯失民有素雖臨事而

戒猶無所及戰于滎澤此滎澤當在河北

君死國散經不書滅者狄不能赴衛之君

臣皆盡無復文告齊桓為之告諸侯言狄

已去言衛之存故但以人為文夷狄畏鬼

故恐言當先白神守石甯二大夫衛將東

走渡河狄復逐而敗之惠公即位蓋年十

五六昭伯惠公庶兄宣公子頑也使烝宣

姜昭伯不可逆諸河迎衛敗眾宵濟夜渡

畏狄共及滕衛別邑廬舍也曹衛下邑戴

公名申立其年卒而立文公載馳詩衛風

春秋左傳

卷十

閔公

十一

齊下其

也許穆夫人痛衛之亡思歸唁之不可故  
作詩以言志無虧齊桓公子武孟也車甲  
之賦異於常故傳別見之歸遺也四馬曰  
乘衣單複具曰稱門材使先立門戶魚軒  
夫人車以魚皮為飾重錦錦之熟細者以  
二丈雙行故曰兩三十兩三十匹也

鄭人惡高克使帥師次于河上久而弗召師  
潰而歸高克奔陳鄭人為之賦清人惡鳥路反為于

偽反

高克鄭大夫也好利而不顧其君文公惡  
之而不能遠故使帥師而不召清人詩鄭  
風也刺文公退臣不以道危國亡師之本  
晉人使大子中生伐東山臬落氏里克諫曰  
大子奉冢祀社稷之粢盛以朝夕視君膳者  
也故曰冢子君行則守有守則從從曰撫軍  
守曰監國古之制也夫帥師專行謀誓軍旅

春秋左傳

卷十

閔公

十三

晉古樓

君與國政之所圖也非天子之事也師在制  
命而已稟命則不威專命則不孝故君之嗣  
適不可以帥師君失其官帥師不威將焉用  
之且臣聞暴落氏將戰君其舍之公曰寡人  
有子未知其誰立焉不對而退見天子天子  
曰吾其廢乎對曰告之以臨民教之以軍旅  
不共是懼何故廢乎且子懼不孝無懼弗得  
立脩己而不責人則免於難天子帥師公衣

之偏衣佩之金玦狐突御戎先友爲右梁餘  
子養御罕夷先丹木爲右羊舌大夫爲尉先  
友曰衣身之偏握兵之要在此行也子其勉  
之偏躬無慝兵要遠災親以無災又何患焉  
狐突歎曰時事之徵也衣身之章也佩衷之  
旗也故敬其事則命以始服其身則衣之純  
用其衷則佩之度今命以時卒闕其事也衣  
之危服遠其躬也佩以金玦棄其衷也服以

遠之時以悶之危涼冬殺金寒玦離胡可恃也雖欲勉之狄可盡乎梁餘子養曰帥師者受命於廟受賑於社有常服矣不獲而危命可知也死而不孝不如逃之罕夷曰危奇無常金玦不復雖復何為君有心矣先丹木曰是服也狂夫阻之曰盡敵而反敵可盡乎雖盡敵猶有內讒不如違之狐突欲行羊舌大夫曰不可違命不孝棄事不忠雖知其寒

不可取子其死之天子將戰狐突諫曰不可

昔辛伯諗周桓公云內寵並后外寵二政

子配適大都耦國亂之本也周公弗從故及

於難今亂本成矣立可必乎孝而安民子其

圖之與其危身以速罪也監古銜反共音恭  
闕音秘危莫江反

賑市軫反  
諗音審

皋落氏赤狄別種也皋落其氏族里克晉

大夫豕大也膳廚膳帥師者必專謀軍事

春秋左傳

卷十

閔公

十四

晉占婁

宣號令也國政正卿命將軍所制天子統  
師是失其官也專命則不孝是爲師必不  
威也臨民謂居曲沃軍旅謂將下軍偏衣  
左右異色其半似公服金玦以金爲玦狐  
突伯行重耳外祖父也爲申生御申生以  
太子將上軍罕夷晉下軍卿也梁餘子養  
爲罕夷御羊舌大夫叔向祖父也尉軍尉  
偏半也握兵之要謂佩金玦將上軍偏躬

無慝分身衣之半非惡意也兵要遠災謂  
威權在己可以遠害狐突歎以先友爲不  
知君心身之章謂章貴賤旗表也所以表  
明其中心命以始賞以春夏身之純必以  
純色爲服衷中也佩玉者士君子常度冬  
十二月闕盡之時龙雜色寒涼殺離言無  
溫潤玦如環而缺不連脈宜社之肉盛以  
脈器常服韋弁服軍之常也龙偏衣龙奇

無常謂雜色奇怪非常之服君有心有害  
大子之心阻疑也言雖狂夫猶知有疑曰  
盡敵而反曰公辭違去也行亦去也寒薄  
也諗告也事在桓十八年驪姬為內寵二  
五為外寵奚齊為嬖子曲沃為大都故曰  
亂本成矣孝而安民奉身為孝不戰為安  
民有功益見害故言孰與危身以召罪  
成風聞成季之繇乃事之而屬僖公焉故成

季立之繇直救反屬章欲反

成風莊公之妾僖公之母也繇卦兆之占

辭

僖之元年齊桓公遷邾于夷儀二年封衛于  
楚邱邾遷如歸衛國忘亡衛文公大布之衣  
大帛之冠務材訓農通商惠工敬教勸學授  
方任能元年革車三十乘季年乃三百乘繩乘

證反

左傳 卷十 閔公 十六 稽古

衛國忘亡忘其滅亡之困大布麤布大帛  
 厚繪蓋用諸侯諒闇之服惠工加惠於百  
 工賞其利器用方百事之宜也衛文公以  
 此年冬立齊桓公始平魯亂故傳因言齊  
 之所以霸衛之所由興革車兵車季年在  
 僖二十五年蓋招懷逃散故能致十倍之  
 眾

春秋左傳註卷第十終

春秋左傳註卷第十一 僖元年 盡五年

晉 杜 預 註

僖公 名申莊公之子閔公之兄母成風諡法小心畏忌曰僖

經元年春王正月

齊師宋師曹伯次于聶北救邢 聶女 旆反

齊帥諸侯之師救邢次于聶北者案兵觀  
 釁以待事也次例在莊三年聶北邢地

夏六月邢遷于夷儀

春秋左傳 卷十一 僖公 一 晉古樓



齊師宋師曹師城邾  
邾遷如歸故以自遷為辭夷儀邾地  
利丁木

齊師宋師曹師城邾

傳例曰救患分災禮也一事而再列三國  
於文不可言諸侯師故

秋七月戊辰夫人姜氏薨于夷齊人以歸

傳在閔二年不言齊人殺諱之書地者明  
在外薨

楚人伐鄭

荆始改號曰楚

八月公會齊侯宋公鄭伯曹伯邾人于榿榿

呈反

榿宋地陳國陳縣西北有榿城公及其會  
而不書盟還不以盟告

九月公敗邾師于偃

冬十月壬午公子友帥師敗莒師于鄆獲莒

擊鄆力知反  
擊女居反

春秋左傳卷十一 僖公 二 稽古樓

酈魯地孥莒子之弟不書弟者非卿非卿則不應書嘉季友之功故特書其所獲大夫生死皆曰獲獲例在昭二十三年十有二月丁巳夫人氏之喪至自齊僖公請而葬之故告於廟而書喪至也齊侯既殺哀姜以其尸歸絕之於魯僖公請其喪而還不稱姜闕文

**傳元年春不稱即位公出故也公出復入不**

**書諱之也諱國惡禮也**

國亂身出復入故即位之禮有闕掩惡揚善義存君親故通有諱例皆當時臣子率意而隱故無深淺常準聖賢從之以通人理有時而聽之可也

諸侯救邾邾人潰出奔師師遂逐狄人具邾器用而遷之師無私焉潰戶內反

實大夫而曰諸侯總眾國之辭奔師奔聶

春秋左傳卷十一 僖公 三 稽古樓

北之師也邾潰不書不告也具器用而遷之皆撰具還之邾師無所私取

夏邾遷于夷儀諸侯城之救患也凡侯伯救

患分災討罪禮也

分甫問反

侯伯州長也分穀帛

秋楚人伐鄭鄭即齊故也盟于犂謀救鄭也

犂音洛

犂即櫪也地有二名

九月公敗邾師于偃虛邱之戍將歸者也

虛邱邾地邾人既送哀姜還齊人殺之因

戍虛邱欲以侵魯公以義求齊齊送姜氏

之喪邾人懼乃歸故要而敗之

冬莒人來求賂公子友敗諸鄆獲莒子之弟

拏非卿也嘉獲之也公賜季友汶陽之田及

費

汝音問音秘

求賂求還慶父之賂莒既不能為魯討慶

春秋左傳

卷十一

僖公

四

嘗古樓

父受魯之賂而又重來其求無厭故嘉季友之獲而書之汶陽田汶水北地汶水出泰山萊蕪縣西入濟

夫人氏之喪至自齊君子以齊人之殺哀姜也為已甚矣女子從人者也

言女子有三從之義在夫家有罪非父母所宜討也

經二年春王正月城楚邱

楚邱衛邑不言城衛衛未遷

夏五月辛巳葬我小君哀姜

無傳反哭成喪故稱小君例在定十五年

虞師晉師滅下陽

下陽號邑在河東大陽縣晉於此始赴見

經滅例在襄十三年

秋九月齊侯宋公江人黃人盟于貫

貫宋地梁國蒙縣西北有貫城貫與貫字

春秋左傳

卷十一

僖公

五

管古婁

相似江國在汝南安陽縣

冬十月不雨

傳在三年

楚人侵鄭

傳二年春諸侯城楚邱而封衛焉不書所會後也

君死國滅故傳言封諸侯既罷而魯後至諱不及期故以獨城為文

晉荀息請以屈產之乘與垂棘之璧假道於虞以伐虢公曰是吾寶也對曰若得道於虞猶外府也公曰宮之奇存焉對曰宮之奇之為人也懦而不能強諫且少長於君君懼之雖諫將不聽乃使荀息假道於虞曰冀為不道入自顛軫伐鄭三門冀之既病則亦唯君故今虢為不道保於逆旅以侵敝邑之南鄙敢請假道以請罪于虢虞公許之且請先伐

春秋左傳

卷十一

僖公

六

借古樓

春不

和古樓

號宮之奇諫不聽遂起師夏晉里克荀息帥

師會虞師伐虢滅下陽先書虞賄故也乘繩證反

儒乃貨反強其良反少詩照反長丁丈反  
暱女乙反輪音零鄭亡丁反賄呼罪反

荀息荀叔也屈地生良馬垂棘出美玉故

以為名四馬曰乘自晉適虢途出於虞故

假道宮之奇虞忠臣懦弱也君暱之不聽

謂親而狎之必輕其言前是冀伐虞至鄭

鄭虞邑河東大陽縣東北有顛輪坂冀之

既病言虞報伐冀使病將欲假道故稱虞

疆以說其心冀國名平陽皮氏縣東北有

冀亭逆旅客舍也虢稍遣人分依客舍以

聚眾抄晉邊邑請罪于虢問虢伐己以何

罪虞請先伐喜於厚賂而欲求媚夏會虞

師晉猶主兵不信虞虞非倡兵之首而先

書之惡貪賄也

秋盟于貫服江黃也

春秋左傳卷十一 僖公 七 稽古樓

江黃楚與國也始來服齊故為今諸侯  
齊寺人貂始漏師于多魚

寺人內奄官豎貂也多魚地名闕齊桓多

嬖寵內則如夫人者六人外則幸豎貂易

牙之等終以此亂國傳言貂於此始擅貴

寵漏洩桓公軍事為齊亂張本

虢公敗戎于桑田晉卜偃曰虢必亡矣亡下  
陽不懼而又有功是天奪之鑿而益其疾也

必易晉而不撫其民矣不可以五稔易以

桑田虢地在宏農陝縣東北天奪之鑿鑿

所以自照益其疾使驕則生疾稔熟也為

下五年晉滅虢張本

冬楚人伐鄭鬪章囚鄭聃伯聃乃甘反

經書侵傳言伐本以伐興權行侵掠為後

年楚伐鄭鄭伯欲成張本

經三年春王正月不雨夏四月不雨

春秋左傳卷十一 僖公 八 信古婁

一時不雨則書首月傳例曰不日旱不為

災

徐人取舒

無傳徐國在下邳僅縣東南舒國今廬江舒縣勝國而不用大師亦曰取例在襄十

三年

六月雨

示旱不竟夏

秋齊侯宋公江人黃人會于陽穀

陽穀齊地在東平須昌縣北

冬公子友如齊涖盟

涖臨也

楚人伐鄭

傳三年春不雨夏六月雨自十月不雨至于五月不日旱不為災也

周六月夏四月於播種五稼無損

春秋左傳卷十一 僖公 九 管古婁



秋會于陽穀謀伐楚也

三年楚侵鄭故

齊侯為陽穀之會來尋盟冬公子友如齊涖

盟偽為于反

公時不會陽穀故齊侯自陽穀遣人詣魯

求尋盟魯使上卿詣齊受盟謙也

楚人伐鄭鄭伯欲成孔叔不可曰齊方勤我棄德不祥

孔叔鄭大夫勤恤鄭難祥善也

齊侯與蔡姬乘舟于囿蕩公公懼變色禁之不可公怒歸之未絕之也蔡人嫁之

蔡姬齊侯夫人蕩搖也囿苑也蓋魚池在

苑中為明年齊侵蔡傳

經四年春王正月公會齊侯宋公陳侯衛侯鄭伯許男曹伯侵蔡蔡潰

民逃其上曰潰例在文三年

春秋左傳卷十一 僖公 十 晉占婁

春秋

卷十一

遂伐楚次于涇

遂兩事之辭楚強齊欲緩之以德故不速進而次涇涇楚地潁川召陵縣南有涇亭

夏許男新城卒

未同盟而赴以名

楚屈完來盟于師盟于召陵

屈完楚大夫也楚子遣完于師以觀齊屈完觀齊之盛因而求盟故不稱使以完來

盟為文齊桓退舍以禮楚故盟召陵召陵

潁川縣也

齊人執陳轅濤塗

轅濤塗陳大夫

秋及江人黃人伐陳

受齊命討陳之罪而以與謀為文者時齊不行使魯為主與謀例在宣七年

八月公至自伐楚

春秋左傳

卷十一

僖公

十一

宣七年

無傳告于廟

葬許穆公

冬十有二月公孫茲帥師會齊人宋人衛人鄭人許人曹人侵陳

公孫茲叔牙子叔孫戴伯

傳四年春齊侯以諸侯之師侵蔡蔡潰遂伐楚楚子使與師言曰君處北海寡人處南海唯是風馬牛不相及也不虞君之涉吾地也

何故管仲對曰昔召康公命我先君大公曰五侯九伯女實征之以夾輔周室賜我先君履東至于海西至于河南至于穆陵北至于無棣爾貢包茅不入王祭不共無以縮酒寡人是徵昭王南征而不復寡人是問對曰貢之不入寡君之罪也敢不共給昭王之不復君其問諸水濱師進次于陘夏楚子使屈完如師師退次于召陵齊侯陳諸侯之師與屈

春秋

稽古

完乘而觀之齊侯曰豈不穀是為先君之好  
 是繼與不穀同好如何對曰君惠徼福於敝  
 邑之社稷辱收寡君寡君之願也齊侯曰以  
 此眾戰誰能禦之以此攻城何城不克對曰  
 君若以德綏諸侯誰敢不服君若以力楚國  
 方城以為城漢水以為池雖眾無所用之屈  
 完及諸侯盟大音泰女音汝夾古洽反棗大  
 計反共音恭是為于僞反好呼  
 報反微  
 古堯反

楚界猶未至南海因齊處北海遂稱所近  
 牛馬風逸蓋末界之微事故以取喻召康  
 公周大保召公奭也五侯五等諸侯九伯  
 九州之伯皆得征討其罪齊桓因此命以  
 夸楚穆陵無棣皆齊竟也履所踐履之界  
 齊桓又因以自言其盛包裹束也茅菁茅  
 也束茅而灌之以酒為縮酒尚書包匭菁  
 茅茅之為異未審昭王成王之孫南巡守

春秋左傳

卷十一

僖公

十三

齊晉

涉漢船壞而溺周人諱而不赴諸侯不知其故故問之君其問諸水濱昭王時漢非楚竟故不受罪次于涇以楚不服罪故復進師夏屈完如涇之師觀強弱完請盟故與乘共載先君之好是繼言諸侯之附從非為己乃尋先君之好謙而自廣因求與楚同好孤寡不穀諸侯謙稱方城山在南陽葉縣南以言竟土之遠漢水出武都至

江夏南入江言其險固以當城池

陳轅濤塗謂鄭申侯曰師出於陳鄭之間國必甚病若出於東方觀兵於東夷循海而歸其可也申侯曰善濤塗以告齊侯許之申侯見曰師老矣若出於東方而遇敵懼不可用也若出於陳鄭之間其資糧屣屣其可也齊侯說與之虎牢執轅濤塗

見賢遍反說音悅

申侯鄭大夫當有供給之費故東夷鄰莒

徐夷也觀兵示威齊侯許之許出東方也  
屏草屨齊侯說還以鄭邑虎牢賜之

秋伐陳討不忠也

以濤塗為誤軍道

許穆公卒于師葬之以侯禮也凡諸侯薨于  
朝會加一等死王事加二等於是而有以袞斂

袞古本反斂力驗反

男而以侯禮加一等諸侯命有三等公為

上等侯伯中等子男為下等死王事謂以

死勤事袞衣公服也謂加二等

冬叔孫戴伯帥師會諸侯之師侵陳陳成歸

轅濤塗

陳服罪故歸其大夫戴謚也

初晉獻公欲以驪姬為夫人卜之不吉筮之

吉公曰從筮卜人曰筮短龜長不如從長且

其繇曰專之渝攘公之瑜一薰一蕕十年尚

存左傳卷十一 僖公 五 晉書

猶有臭必不可弗聽立之生奚齊其姊生卓  
子及將立奚齊既與中大夫成謀姬謂大子  
曰君夢齊姜必速祭之大子祭于曲沃歸胙  
于公公田姬寘諸宮六日公至毒而獻之公  
祭之地地墳與犬犬斃與小臣小臣亦斃姬  
泣曰賊由大子大子奔新城公殺其傅杜原  
款或謂大子子辭君必辯焉大子曰君非姬  
氏居不安食不飽我辭姬必有罪君老矣吾

又不樂曰子其行乎大子曰君實不祭其罪  
被此名也以出人誰納我十二月戊申縊于  
新城姬遂諧二公子曰皆知之重耳奔蒲夷  
吾奔屈繇直救反渝羊朱反下渝同音襄如  
羊反齋音山寘之鼓反款苦管反  
筮短龜長謂物生而後有象象而後有滋  
滋而後有數龜象筮數故象長數短繇卜  
兆辭渝變也攘除也兼美也言變乃除公  
之美薰香草猶臭草十年有臭言善易消

惡難除齊姜大子母言求食胙祭之酒肉  
毒酒經宿輒敗而經六日明公惑之新城  
曲沃或謂子辭欲以六日之狀自理大子  
言吾自理則姬死姬死則君必不樂不樂  
為由吾也重耳夷吾二子時在朝為明年  
晉殺申生傳

經五年春晉侯殺其世子申生

稱晉侯惡用讒書春從告

杞伯姬來朝其子

無傳伯姬來寧寧成風也朝其子者時于  
年在十歲左右因有諸侯子得行朝義而  
卒不成朝禮故繫於母而曰朝其子

夏公孫茲如牟

叔孫戴伯娶于牟卿非君命不越竟故奉  
公命聘于牟因自為逆

公及齊侯宋公陳侯衛侯鄭伯許男曹伯會

春秋

左傳

卷十一

僖公

十七

稽古樓



王世子于首止

惠王太子鄭也不名而殊會尊之也首止  
衛地陳畱襄邑縣東南有首鄉

秋八月諸侯盟于首止鄭伯逃歸不盟

閒無異事復稱諸侯者王世子不盟故也  
王之世子尊與王同齊桓行霸翼戴天子  
尊崇王室故殊貴世子逃歸不盟逃其師  
而歸也逃例在文三年

楚人滅弦弦子奔黃

弦國在弋陽鞏縣東南

九月戊申朔日有食之

無傳

冬晉人執虞公

虞公會璧馬之寶距絕忠諫稱人以執同  
於無道於其民之例例在成十五年所以  
罪虞且言易也晉侯修虞之祀而歸其職

春秋左傳

卷十一

僖公

十六

晉古婁

頁於王故不以滅同姓為譏

和古棟

僖五年春王正月辛亥朔日南至公既視朔遂登觀臺以望而書禮也凡分至啓閉必書雲物為備故也觀古亂反

周正月今十一月冬至之日日南極視朔親告朔也觀臺臺上構屋可以遠觀者也朔旦冬至歷數之所始治歷者因此則可以明其術數審別陰陽敘事訓民魯君不

能常修此禮故善公之得禮分春秋分也至冬夏至也啓立春立夏閉立秋立冬雲物氣色災變也傳重申周典不言公者曰官掌其職備謂素察妖祥逆為之備

晉侯使以殺大子申生之故來告初晉侯使士蒍為二公子築蒲與屈不慎寘薪焉夷吾訴之公使讓之士蒍稽首而對曰臣聞之無喪而感憂必讐焉無戎而城讐必保焉寇讐

之保又何慎焉守官廢命不敬固讐之保不  
忠失忠與敬何以事君詩云懷德惟寧宗子  
惟城君其修德而固宗子何城如之三年將  
尋師焉焉用慎退而賦曰狐裘尫茸一國三  
公吾誰適從及難公使寺人披伐蒲重耳曰  
君父之命不校乃徇曰校者吾讐也喻垣而  
走披斬其袂遂出奔翟焉用於虜反音蒙  
普皮反校音教徇以浚反  
垣音袁袂起魚反翟音狄

來告釋經必須告乃書不慎謂不謹慎讓  
謂譴讓之讐猶對也保謂保而守之詩大  
雅懷德以安則宗子之固若城何城如之  
言城不如固宗子尋用也退而賦士為自  
作詩也尫茸亂貌公與二公子為三言城  
不堅則為公子所訴為公所讓堅之則為  
固讐不忠無以事君故不知所從袂袂也

夏公孫茲如牟娶焉

春秋

左傳

卷十一

僖公

二十

嘗占婁

因聘而娶故傳實其事

會于首止會王太子鄭謀寧周也

惠王以惠后故將廢太子鄭而立王子帶

故齊桓帥諸侯會王太子以定其位

陳轅宣仲怨鄭申侯之反已於召陵故勸之城其賜邑曰美城之大名也子孫不忘吾助子請乃為之請於諸侯而城之美遂諧諸鄭伯曰美城其賜邑將以叛也申侯由是得罪

宣仲轅濤塗賜邑齊桓所賜虎牢城之

樓櫓之備美設申侯得罪為七年鄭殺申

侯傳

秋諸侯盟王使周公召鄭伯曰吾撫女以從楚輔之以晉可以少安鄭伯喜於王命而懼其不朝於齊也故逃歸不盟孔叔止之曰國君不可以輕輕則失親失親患必至病而乞盟所喪多矣君必悔之弗聽逃其師而歸

春秋左傳卷十一 僖公 三十一 晉古樓

汝輕遺正反  
喪息浪反

周公宰孔也王恨齊桓定天子之位故召  
鄭伯使叛齊也晉楚不服於齊故以鎮安  
鄭孔叔鄭大夫親黨援也

楚鬪穀於苑滅莒莒子奔黃於是江黃道栢  
方睦於齊皆莒姻也莒子恃之而不事楚又  
不設備故亡

姻外親也道國在汝南安陽縣南栢國名

汝南西平縣有栢亭

晉侯復假道於虞以伐虢宮之奇諫曰虢虞  
之表也虢亡虞必從之晉不可啓寇不可翫  
一之爲甚其可再乎諺所謂輔車相依唇亡  
齒寒者其虞虢之謂也公曰晉吾宗也豈害  
我哉對曰大伯虞仲大王之昭也大伯不從  
是以不嗣虢仲虢叔王季之穆也爲文王卿  
士勲在王室藏於盟府將虢是滅何愛於虞

左傳

卷十一

僖公

三

晉公

且虞能親於桓莊乎其愛之也桓莊之族何  
罪而以爲戮不唯偏乎親以寵偏猶尚害之  
況以國乎公曰吾享祀豐絜神必據我對曰  
臣聞之鬼神非人實親惟德是依故周書曰  
皇天無親惟德是輔又曰黍稷非馨明德惟  
馨又曰民不易物惟德絜物如是則非德民  
不和神不享矣神所馮依將在德矣若晉取  
虞而明德以薦馨香神其吐之乎弗聽許晉

春秋

稽古

使宮之奇以其族行曰虞不臘矣在此行也  
晉不更舉矣八月甲午晉侯圍上陽問於卜  
偃曰吾其濟乎對曰克之公曰何時對曰童  
謠云丙之晨龍尾伏辰均服振振取虢之旂  
鶉之賁賁天策焯焯火中成軍虢公其奔其  
九月十月之交乎丙子曰日在尾月在策鶉  
火中必是時也冬十二月丙子朔晉滅虢虢  
公醜奔京師師還館于虞遂襲虞滅之執虞

春秋左傳

卷十一

僖公

三

晉書

公及其大夫井伯以勝秦穆姬而修虞祀且

歸其職貢於王故書曰晉人執虞公罪虞且

言易也復扶又反車尺奢反大音泰偏彼力反繫惡兮反馮皮冰反使所吏反臘

力盍反謠音遙振音真鷄常倫反賁音奔焯他門反言易以鼓反

翫習也為二年假晉道滅下陽輔頰輔車

牙車大伯虞仲皆大王之子不從父命俱

讓適吳仲雍支子別封西吳虞公其後也

穆生昭昭生穆以世次計故大伯虞仲於

周為昭王季者大伯虞仲之母弟也虢仲

虢叔王季之子文王之母弟也仲叔皆虢

君字盟府司盟之官桓叔莊伯之族晉獻

公之從祖昆弟獻公患其偏盡殺之事在

莊二十五年據猶安也周書逸書馨香之

遠聞惟德繫物謂黍稷牲玉無德則不見

饗有德則見饗言物一而異用行去也臘

歲終祭眾神之名晉不更舉謂不更舉兵

上陽虢國都在宏農陝縣東南龍尾尾星也日月之會曰辰日在尾故尾星伏不見均服戎事上下同服振振盛貌旂軍之旌旗鶉鶉火星也賁賁鳥星之體也天策傳說星時近日星微焯焯無光耀也言丙子半旦鶉火中軍事有成功也此已上皆童謠言也童亂之子未有念慮之感而會成嬉戲之言似若有馮者其言或中或否博

覽之士能懼思之人兼而志之以爲將來之驗有益於世教其九月十月之交以星驗推之知九月十月之交謂夏九月十月也交晦朔交會在尾在策言是夜日月合朔於尾月行疾故至旦而過在策虢公奔京師不書不告也周十二月夏之十月秦穆姬晉獻公女送女曰媵以屈辱之虞祀虞所命祀



春秋左傳註卷第十一終 稽古

春秋左傳註卷第十一終

而志之以微

... 公... 十... 日... 合... 十... 日... 合... 十... 日... 合...

